



863
211

羣芳曆

全





羣芳曆序

木母門前之櫻花。海晏寺中之紅葉。為都下春秋遊
賞第一勝境。其次日暮之里。飛鳥之山。龜井之梅。巢
鴨之菊。士女乘時。袂幕汗雨。亦皆為壯觀。携空老人
心生一計。買得數頃之地。於隅田堤內。植梅數百株。
意倣宋高士林和靖故事也。結茅屋。踈影橫斜。間迎
客。賣茶。意倣唐名人陸鴻漸故事也。梅有早晚。可支
半月。而意未厭。更植桃李。棗棠牡丹諸花。穿井引泉。
鑿池畜魚。池亭山館。往々相望。鱸茵竹榻。隨地綦布。



又就揚柳深處揭帘賣酒。唯欲使客跡不斷。而意未厭。更植夏秋雜草野花。屋中又益累積農經花史。稍咨詢之。有識喋喋。為來客辨證。唯欲不使一日無花。一日無客。而意未厭。更著秋野七草考。刻板發兌。游揚之四方。數年之後。士女來觀。百千成群。果不讓木母海晏日暮飛鳥龜井巢鴨之繁華。今又著春野七草考。併昔年所著秋草考行之。更名曰羣芳曆。意不獨止此。春秋二考。凡園中所有毛詩楚辭漢魏六朝唐宋詩賦。乃至萬葉古今集所吟咏。衆多花卉藥

品行將逐一加考證行之。又遍請序於一時名士文人。唯恐遺一人。因是道人序之曰。一年七十二候。三春廿四番。老人不欲遺一花半草。名以曆字。洵有以矣。抑吾又有一說曰。曆係算數。老人初植梅時。心中暗算道。此一着。俺家老小。可以無饑也。又植花草時。暗算道。此一着。俺家老小。可以免寒也。又著春秋二考時。暗算道。此一着。可以葺屋。可以當身衣飯有餘。可以施及子孫。老人少壯。向市井場中。爭逐錐末。未嘗落後。老人之舉動。悉皆自買賣算盤珠上。來者歟。

863
211

19834

卷十


卷十



卷十

老人間常虔祈天滿宮。遂愛梅而植梅。意不在愛梅。在延客。不在延客。在索錢。上自列侯大夫。妃嬪命婦。下至士庶奴隸。來觀花者。隨分留賞錢。老人滿面堆笑。春風披拂。儻有不留賞錢者。老人滿腔鬼胎。秋氣冷淒。一日之內。霎時之間。胸中氣候乃爾。余慰之曰。老人之園。今興旺然。足以終餘年。又規之曰。花之曆數。在汝躬。惟廉惟貪。允執厥中。是為羣芳曆序。

甲戌人日 因是道人迹

圖書印
昭 24. 3. 29
寄 貼





国立国会図書館 タイトル『羣芳曆序』 請求記号 863-211

ガラス使用